

Kalaallit Nunaanni folketingimut qinersisarneq pillugu inatsimmik nalunaarut

Matumuuna nalunaarutigineqassaaq Kalaallit Nunaanni folketingimut qinersisarneq pillugu inatsit pillugu nalunaarut, tak. inatsimmik nalunaarut nr. 255, 28. april 1999-imeersoq, nalunaarut nr. 517, 23. maj 2018-imeersup kingunerisaanik allanguutit allannguutigitillugit.

Kapitali 1

Kalaallit Nunaata folketingimi Ilaasortaataqarnera

§ 1. Folketingimut ilaasortassat marluk Kalaallit Nunaanni qinerneqartassapput.

Imm. 2. Folketingimut ilaasortassat ukiunut sisamanut qinerneqassapput, Savalimmiut eqqarsatigalugit ulloq naalagaaffiup sinnerani tamanut qinersiviusoq aallarnerfigalugu.

Kapitali 2

Qinersisinnaatitaaneq qinigaasinnaatitaanerlu

§ 2. Kinaluunniit danskisut innuttaassuseqartoq, 18-ileereersimasoq nalagaaffimmilu aalajangersimasumik najugalik, folketingimut qinersisinnaatitaavoq, pineqartoq taanna nammineersinnaassusiiagaasimanngikkuni.

§ 3. Inuit makku, nunani allani najugaqarallartut, aapparisaallu taakkuninnga inooqatiginnittut, naalagaaffimmi aalangersunik najugalittut naatsorsuunneqassapput:

- 1) Inuit naalagaaffimmi pisortanit, inuinnaat sulliviutaannit imaluunniit inuinnaat peqatigiiffiannit atorfeqartitatut nunanut allanut suliaartortitaasimasut.
- 2) Inuit, nunat tamalaat kattuffiini, Danmarkip ilaasortaaffigisaani, atorteqartitatut nunami allamiikkallartut.
- 3) Inuit, nalaalaffimmi ikiuiniatigigiiffimmiit Nunanut allanut suliaartorsimasut.
- 4) Inuit ilinniagaqarnissaaq siunertaralugu nunani allaniikkallartut.
- 5) Inuit pqiissarnissaaq pissutigalugu nunani allaniikkallartut.
- 6) Inuit, nunani allaniikkallartut aammalu naalagaaffimmut atassuteqarnerup tungaatigut inunnut nr. 1-5-imi taaneqartunut nallersuulluinnartariaqartut.

Imm. 2. Aappariinnut inooqatigiittunut, tak. Imm. 1 nallersuunneqassapput katinneqaratik aappariittulli inooqatigiit, ataatsimoorussatutnaju gaq allamut aallalersinnani pilersitaasimappat.

§ 4. Kinaluunniit qinersisinnaatitaanngilaqqinersisussat allassimaffianni ilanngunneqanngikkuni.

§ 5. Kinaluunniit § 2 malillugu, tak. § 3, qinersisinnaatitaasoq folketingimut qinigaasinnaatitaavoq pineqartoq taanna suliaminut inuit isiginninneranni folketingimut ilaasortaanissamut naleqqukkunnaarutigisaminik pillagaasimannngikkuni, tak. Inatsisini tunngaviusuni §§ 30 aamma 33. *Imm.2.* Taamaattorli kinaluunniit qinigassangortissinnaavoq qinigassangortissinnaannginneq akerliliissutaagaluartorluunniit.

§ 6. Kinaluunniit qinigassangortissinnaanngilaq qinigassangortittutut imminut nalunaarutiginani.

Kapitali 3

Qinersiviit, qinersinerup siulersugaanera qinersiviit.

§ 7. Kalaallit Nunaat qinersiveqarfiuvoq ataaseq.

§ 8. Kommunit tamarmik immikkut qinersivinnut aggugaapput inatsimmut matumunnga ilanngussami taaneqartutut. Qinersivinnut tamakkununnga ilaapput illoqarfiit nunaqarfiillu il.il., ilanngussami taagorneqartut. Indenrigsministeri nalunaarutikkut qinersivikkuutaarinermi tamatumani allannguuteqartitsisinnaavoq.

Imm.2 Kommunalbestyrelsip aalangersinnaavaa qinersiviup ataatsip taasiartorfissanut aggorneqarnissaa.

Qinersinerup siulersugaanera

§ 9. Qinersineq Kalaallit Nunaanni Rigsombudsmandimit siulersorneqassaaq.

Imm.2. Rigsombudsmandip qinersinermut allattuiffik allattussavaa, tassani qinersineq pillugu paasissutissat pingaarnerusut tamarmik qinersinerullu inernera allatorneqassallutik.

§ 10. Kommunini tamani qinersineq siulersorneqassaaq qinersinermik siulersuisunit.

Imm.2. Qinersinermi siulersuisut tassaassapput kommunalbestyrelsip siulittaasua kommunalbestyrelsimilu ilaasortat allat ikinnerpaamik marluk, kommunalbestyrelsimit qinerneqartussat. Kommunalbestyrelsip siulittaasuaq qinersinermi siulersuisunut siulittaasuvoq.

Imm. 3. Qinersinermi siulersuisut aalajangiineri pisassapput taasinerit amerlanerussuteqarnerisigut. Taasinerit amerlaqatigiippata siulittaassup taasineri aalajangiisuusaaq.

Imm. 4. Qinersinermi siulersuisut qinersinermut allattaaveqassapput kommunalbestyrelsimi akuersissutaasussamik. Qinersinermut allattaavik rigsombudsmandimiit pissarsiarineqassaaq. Qinersinermut allattavinnut qinersineq pillugu paasissutissat pingaaruteqarnerusut tamarmik qinersinerullu inernera allatorneqassapput. Qinersinerup inernera qinersivinnut tamanut immikkut tunngatillugu naatsorsorneqassaaq kommunimut tamarmiusumut ataatsimut inernilerlugu.

§ 11. Qinersinermi siulersuisut kommunit qinersiviini tamani immikkut toqqaassapput qinersivimmi taaguisitsinermi siulersuisussanik.

Imm.2. Qinersivik ataaseq taasiartorfissanut arlalinnut agguagaappat taasiartorfissani taakkunani qinersiviup qinersinartorfissaata inissisimaffiginngisaani aamma taaguisitsinermi siulersuisussamik toqqaasoqassaaq. Qinersiviup siulersortaa taasiartorfimmi qinersiviup qinersiartorfiata inissisimaffigisaani taasisitsinermi siulersuisutut atuutissaaq.

Imm.3 Taasisitsinermi siulersuisut toqarneqartassapput qinersisussat qinersivimmi taamatullu taasiartorfissami najugaqartut akornanni. Qinersisussaq kinaluunniit taasisitsinermi pisortatut suliassinneqarnissamut pisussaavoq.

Imm.4. Taasisitsinermi siuleruisut qinersinermut allattuiffeqassapput kommunalbestyrelsimit atortusanngorlugu akuersissutigisamik. Qinersinermut allattuiffik rigsombudsmandimit pissarsiarineqassaaq. Qinersinermut allattaavinni qinersivimmi taamatullu taasiartorfimmi taasisitsineq pillugu paasisutissat pingaaruteqarnerusut tamarmik qinersinerullu inenera allanneqassapput. Qinersivik taasiartorfissanut agguagaappat, taasiartorfimmi tamani immikkut naatsorsorneqassapput qinersinerup ineneri qinersivimmi tamarmiusumi ataatsimut naatsorsuutigalugit.

§ 12. Qinersinermi siuleruisut qinersisartunik taasisitsinermi siulersuisunut ikiuuttussanik arlalinnik toqqaassapput.

Imm. 2. Qinersisartut ikuuttussatut toqarneqartut taakku qinersivimmi taamatullu taasiartorfissani najugallit akornannit toqqagaassapput. Qinersisartup kialuunniit pisussaaffigaa qinersisartutut immikkut suliassiissutaasunik suliaqarnissaaq.

Kapitali 4

Qinersisussat allassimaffii

§ 13. Qinersisussat qinersisussat allassimaffiini kommunimi inunnik nalunaarsuiffimmi allanneqarfigisaani allanneqassapput, taamaattoq tak. §§ 14 aamma 15.

Imm. 2. Qinersisussat allassimaffiat pingaarnertut allassimaffiuvoq, tak. § 16, aamma nuut-tut allassimaffiat, tak. § 18.

§14. Qinersisussat, Kalaallit Nunaanni kommuneqarfiit aggornerisa avataaniittunut allatuiffimmi nalunaarsorneqarsimasut, Nuup Kommuniani qinersisussat allassimaffiannut allanneqassapput.

§ 15. Qinersisussat § 3-mi pineqartut kingullermillu kommunimi aalajangersimasumi inunnik nalunaarsuiffimmut ilanngunneqareersimasut qinnuteqarnikkut kommunimi tassani qinersisussat allassimaffiannut ilanngunneqassapput. Ilanngunneqarnissamik qinnuteqaat kommunalbestyrelsimut tunniunneqassaaq.

Imm. 2. Qinersisussat § 3-mi pineqartut kingullermillu Kalaallit Nunaanni kommuneqarfiit aggornerisa avataanniittunut inunnik nalunaarsuiffimmut ilanngunneqareersimasut qinnu-teqarnikkut Nuup Kommuniani qinersisussat allassimaffiannut ilanngunneqassapput. Ilangunneqarnissamik qinnuteqaat Kalaallit Nunaanni Namminersornerullutik Oqartussat Akileraartarnermut Pisorta qarfiani inunnik allattuiffimmut tunniunneqassaaq.

Imm. 3 Qinnuteqaat rigsombudsmandimut saqqummiunneqassaaq aalajangiiffigisassanngorlugu pineqartup danskisut innuttaassuseqarneranik, 18-ileereersimaneranik aammalu nammineersinnaassusiagaannginneranik uppersaaserlugu, kiisalu pineqartup kingullermik qanga kommunimi inunnik allattuiffimmut taamatulli Kalaallit Nunaanni kommuneqarfiit aggornerisa avataanniittunut allattuiffimmut ilangunneqarsimanageranik paasissutissartalerlugu.

Rigsombudsmandip aalajangiinera allaffissornikkut pisortanut allanut ingerlateqqinneqarsinnanngilaq.

Imm. 4. Qinersisussat allassimaffiannut ilanngunneqarnissaq pillugu aalajangiinerit atuutissapput aalajangiinerup ulluaniit ukiuni marlunni. Qinersisussap piffissaq taanna naatinngu qinersisussat allassimaffiannut allaqqinneqarnissaq qinnutigissappagu piffissaq sivitsorneqassaaq aalajangiisoqarnissaata tungaanut.

Imm. 5. Qinersisussat allassimaffiannut ilanngussinissami periaasissaq pillugu maleruagassat erseqqinnerusut indenrigsministerimit aalajangersarneqarsinnaapput.

§ 16. Kommunalbestyrelsi ukiut tamaasa januarip qaammataani kommunemi qinersisussanut pingaarnertut allassimaffiortassaa, tak. §§ 13-15 Pingaarnertut allassimaffik atuutissaaq martsip aallaqqaataaniit ukiumi tullermi februarip ulluisa kingullersaannut.

Imm. 2. Pingaarnertut allassimaffimmi allattorneqassapput:

- 1) Inuit martsip aallaqqaataani qinersisinnaatitaalersut.
- 2) Inuit ukiup qinersisussat allassimaffiata atuuffigissaata ingerlanerani qinersisinnaatitaanermut ukiutigut patsisissaatitanik naammassinnittussat, aammalu qinersisinnaatitaanermut patsisissaatitanik allanik martsip aallaqqaataani naammassinnittussat. Inunnut tamakkununga tunngatillugu allanneqartassaaq ukiumi pineqartumi ulloq qinersisinnaatitaanerup atuutilerfia.

Imm. 3. Pingaarnertut allassimaffik kommunip inunnut allattuiffia tunngavigalugu suliarineqartassaaq. Nuup Kommunianut tunngatillugu pingaarnertut allassimaffik aamma suliarineqartassaaq Kalaallit Nunaanni kommuneqarfiit aggornerisa avataanniittunut allattuiffik tunngavigalugu.

§ 17. Pingaarnertut allassimaffik qinersivinnut tamanut immikkut suliarineqartassaaq, tak. § 8. Qinersivik ataaseq taasiartorfissanut aggugaappat allassimaffik suliarineqassaaq taasiartorfinnut tamanut immikkoortortalersorlugu.

Imm. 2. Pingaarnertut allassimaffiup imarissavai qinersisussat aqqi, ulloq inunngorfik, najugaq aamma kisitsit normulersuut oqaaseqaatinut allaffissaq, tak. § 16, imm. 2, nr. 2, oqaaseqatigiit aappaat, kiisalu nalunaaqutsersuiffissaq.

§ 18. Kommunalbestyrelsi pingaarnertut allassimaffiup ilasaanik nuuttunut allattuiffeqassaaq, tak. § 16. Nuuttunut allattuiffik § 17-imi taaneqartutut suliarineqassaaq.

Imm. 2. Nuuttunut allattuiffimmut allattorneqassapput:

- 1) Qinersisussat ukiup ingerlanerani kommunimut nuuttut §§ 14-imiilu imaluunniit 15-imi maleruagassat malillugit kommunip qinersisussanut allattuiffianut ilanngunneqarsimanngitsut. Ilangunneqarnissamut patsisissaatitaassaaq nuunnerup kommunip inunnik nalunaarsuiffianut nalunaarutigineqareersimanera.
- 2) Qinersisussat nunami allami najugaqarallartussanngorsimasut, ukiullu ingerlanerani qinnuteqarsimasut qinersisussanut allattuiffimmut §15-imi maleruagassat malillugit ilanngunneqarnissamik.

Imm.3. Nuup kommuniani nuuttunut allattuiffimmi aamma ilanngunneqartassapput qinersisussat ukiup ingerlanerani Kalaallit Nunaanni kommuneqarfiit aggornerisa avataannut nuuttut, aammalu §§ 13-imi imaluunniit 15-imi maleruagassat malillugit kommunip qinersisussanut allattuiffianut ilanngunneqarsimanngitsut. Ilangunneqarnissamut patsisissaatitaassaaq nuunnerup Kalaallit Nunaanni kommuneqarfiit avataanniittunut nalunaarsuiffimmut nalunaarutaareersimanera.

Imm.4. Qinersisussat, imm. 2-mi, nr. 1-imi, aamma imm.3-mi pineqartut nuuttunut allattuiffimmut ilanngunneqassanngillat, nuunneq qinersinissaq sioqqullugu ullut 18-ssaannit kingusinnerusukkut pisimappat imaluunniit nalunaarutigineqarsimappat. Qinersisussat imm.2-mi, nr. 2-mi pineqartut nuuttunut allattuiffimmut ilanngunneqassanngillat, tamatuminnga aalajangiineq qinersinissaq sioqqullugu ullut 18-issaannit kingusinnerusukkut aalajangiinerussappat.

Imm.5. Nuuttunut allattuiffimmut ilanngussinerni periaasissanik maleruagassat erseqqinnerusut indenrigsministerimit aalangersarnerqassapput.

§ 19. Inuit qinersisussat allassimaffianuut ilanngunneqareernermikkut kommunimiit imaluunniit Kalaallit Nunaanni kommuneqarfiit aggorneqarnerisa avataanniit nuuttut, imaluunniit nunami allassimaffianniit peerneqassapput, §§ 13-imi, 14-imi imaluunniit 15-imi maleruagassat malillugit kommunip qinersisussanut allattuiffianiiginnassanngippata.

Imm. 2. Piiasoqassanngilaq, nuunneq qinersinissaq sioqqullugu ullut 18-issaannit kingusinnerusukkut nalunaarutigineqareersimappat, nuunneq allamut nuunnerunngippat, taamaattoq tak. § 15.

Imm. 3. Qinersisussat allassimaffiannit piiasarnermi periaasissanik maleruagassat erseqqinnerusut indenrigsministerimit aalangersarnerqassapput.

§ 20. Qinersisussanut pingaarnertut allattuiffik februarip qaammataani sapaatit akunnerini marlunni kommunalbestyrelsimit kommunimi inuit tamat tikittagaanni saqqumisinneqartassaaq. Tamatuma peqatigisaanik qinersivinni tamani immikkut pingaarnertut allattuiffiup ilaa qinersivimmuut atuuttoq saqqumisinneqartassaaq.

Imm. 2. Pingaarnertut allattuiffik taasiartorfissanut ataasiakkaanut tamanut immikkoortuk kuutaarlugu suli-aappat, tak. § 17, imm. 1, taasiartorfimmi qinersiviup taasiartorfissartaaniittumi qinersiviup pingaarnertut allattuiffia saqqumisinneqassaaq, qinersiviup taasiartorfissartaani allani pingaarnertut allattuiffiup ilai taasiartorfinnut atuuttut saqqumisinneqartillugit.

Imm. 3. Kommunalbestyrelsip pingaarnertut allattuiffiup qaqugu sumilu saqqummiunneqarnissaa nalunaarutigissavaa.

§ 21. Qinersisussat allattorsimaffianni kukkunerit pillugit kikkulluunniit kommunalbestyrelsimut akerliliissuteqarsinnaapput.

Imm. 2. Kommunalbestyrelsip qinersisussat allattorsimaffiat pillugu akerliliissutit sapinngisamik piaarnerpaamik suliarissavai taamaattoqarpallu kukkunerit iluarsissavai qinersisussat allattorsimaffianni iluarsisutigtigut. Taamatut ilarsiissuteqartoqarsinnaavoq qinersinerup ullua ilanngullugu tikillugu.

Imm. 3. Kommunalbestyrelsip naammagittaalliortoq kiisalu kikkulluunniit akerliussut tunngavigalugu qinersisussat allattorsimaffianniit piiarneqartussat imaluunniit tassunga ilangunneqartussat aalajangiinermik kalerrissavai.

Imm. 4. Kommunalbestyrelsip imm. 2 malillugu aalajangiinera rigsombudsmandimut ingerlateqqinneqarsinnaavoq. Rigsombudsmandip aalajangiinera allaffissornikkut pisortanut allanut ingerlateqqinneqarsinnaangilaq.

§ 22. Kommunalbestyrelsi ulloq qinersivissaq tikillugu ilanngullugulu qinersisussat allattorsimaffiannik iluarsisassaaq, kommuni toqusoqarneranik, nammineersinnaassusiiiaanernik, nammineersinnaassusiiiaanerup atorunnaarneranik imaluunniit danskisut innuttaassuseqalernermik taamatullu innuttaassuseerunnermik nalunaarutiniq tigusaqaraangat.

§ 23. Qinersisussat allattorsimaffiat folketingimut qinersinermi inunnillu taasisitsinermi, ukiumi qinersisussat allattorsimaffiata atuuffigisaani ingeranneqartuni atorneqassaaq. Allattorsimaffik taasisitsinerni ataa-siinnaangitsuni atorneqassappat, kommunalbestyrelsip isumagissavaa kingusinnerusutut taasisitsinerni atugassatut allattuiffiup assilineqarneranik tamakkiisuusumik peqarnissaaq, imaluunniit allattuiffimmi nutaamik nalunaaqutsersuiffissamik ikkussisoqarnissaaq nalunaaqutsersuiffiup atoriikkap assersuutigalugu nipi-tsitsivigineratigut.

Kapitali 5

Qinersinissamut piareersarnerit qinerseqqusinissaq

§ 24. Folketingimut qinerseqqusisoqartassaaq kunngip allagaasigut ammasutigut. Kunngip allagaasigut ammasutigut rigsombudsmandi ullormik allamik qinersivissamik, naalagaaffiup sinneranut, Savalimmiut eqqarsaatiginagit, aalajangigaanngitsumik aalajangiisussanngortinneqarsinnaavoq.

§ 25. Rigsombudsmandip ulloq qinersivissaq kiisalu qinigassanngortitsissutinik piffissaq nassitsivissaq nalunaarutigissavai, tak. § 27, imm.1. Peqatigisaanik qinersinermi siulersuisut rigsombudsmandip tamatuminnga kalerrissavai.

Imm. 2. Qinersinermi siulersuisut ulloq qinersivissaq piffissarlu taaguivissaq kiisalu qinigassanngortitsissutinut piffissaq tunniussivissaq piaarnerpaamik nalunaarutigissavaat. Aammattaaq qinersivinni ataasiakkaani kommunimilu taasiartorfissani taaguinerni siulersuisussat aqqi nalunaarutigineqassapput. Peqatigisaanik qinersinermi siulersuisut taaguinerni siulersuisussanut tamatuminnga nalunaaruteqassapput.

Imm. 3. Taaguinerni siulersuisut qinersinermi siulersuisuniit nalunaarut tamanut nalunaarutigipallassavaat. Aammattaaq qinersiviup iluani taasiartorfissat nalunaarutigineqassapput.

Imm. 4. 2 aamma 3 malillugit nalunaaruteqarneq allagarsiinikkut pissaaq aammalumi kommunalbestyrelsip taaguisitsinermi siulersuisup erseqqinnerusumik aalangiineri malillugit.

Qinigassanngortittut

§ 26. Inuk qinersinissamut qinigassanngortikkumasooq qinigassanngortissinnaavoq partimut, Kalaallit Nunaata Inatsisartuini ilaasortaatitaqareersumut qinigassanngortitatut imaluunniit partiit avataanni qinigassanngortitartut. Partii sinnerlugu qinigassanngortikkumasooq partiimit akuersissutigineqassaaq. Partiit avataasigut qinigassanngortittoq qinersiveqarfiup qinersisussaanit ikinnerpaamik 100-nit qinigassanngortitsisuusutut kaammattuutigineqassaaq.

Imm. 2. Partiit avataasigut qinigassanngortittut imminnut tapersersoqatigiinnissamik (qinigassanngortittut kattuttut) isumaqatigiissuteqarsinnaapput.

Imm. 3. Kinaluunniit partiit arlaliusut sinnerlugit qinigassanngortissinnaanngilaq imaluunniit paartii ataaseq sinnerlugu peqatigitillugulu partiit avataatigut qinigassanngortissinnaanani. Qinigassanngortittoq kattusseqatigiinni arlalinni ataatsikkut peqataasinnaanngilaq.

Imm. 4. Qinersisussaq ataates qinigassanngortitanut arlalinnut qinigassanngortitsisuusinnaanngilaq. Kinaluunniit qinigassanngortitanik arlalinnik ataatsikkut kaammattuisuusoq qinigassanngortitat arlaannaanulluunniit qinigassanngortitsisuusutut naatsorsuunneqasinnaanngilaq.

§ 27. Qinigassanngortitsissutit qinersinermi siulersuisut siulittaasuannut tunniunneqassapput ullormi qinersivissami kingusinnerpaamik nal. 12 imaluunniit ulloq qinersivissaq 11-nik sioqqullugu. Qinigassanngortitsinerit pisassapput allaffissiaq rigsombudsmandimit pineqartussaq atorlugu.

Imm. 2. Qinigassanngortitsissut qinigassanngortitamit atsiugaassaaq imarissavaalu qinigassanngortitap aqqi tamarmiusut, inuttut normu, atorfik najugarlu. Qinigassanngortitsissummi aammattaaq allanneqartassapput qinersisussapqinigassanngortitsissut amigaateqassappat saaffigineqartussap aqqi najugaalu.

Imm. 3. Qinigassanngortitat, partiimut qinigassanngortittut, tamanna qinigassanngortitsissummi allassavaat.

Imm. 4. Qinigassanngortitat, partiit avataasigut qinigassanngortittut, tamanna qinigassanngortitsissummi allassavat. Qinigassanngortitsissut aammattaaq qinigassanngortitsisuusunit atsiugaassaaq imarissavaalu qinigassanngortitsisut ataasiakkaat tamarmik immikkut aqqi, Inuttut normui najugaallu. Qinigassanngortitsissummunaminermut taassumaluunniit nuutinnerinut atsiorerit allanneqarsinnaapput. Qinigassanngortitsisut aqqinik paasissutissat tamanut ammatinneqassapput.

Imm. 5. Qinigassanngortittut, qinigassanngortittumut allamut ataatsimut arlalinnulluunniit kattusseqatiginissimasut, tamanna qinigassanngortinnermik nalunaarummi allassavat. Qinigassanngortittut pineqartut atsiormikkut kattusseqatigiinneq akuerissavaat. Qinigassanngortinnermik nalunaarummut namminerit tassumaluunniit nuutinnerinut atsiorerit allanneqarsinnaapput.

Imm. 6. Qinigassanngortitsissummik tunniussisoq piginnaatitaavoq piffissaq tunniussiviusoq ilanngullugu allallugu tunniussaqaqnerminut uppersaammik tunineqarnissamut.

§ 27 a. Qinigassanngortittup qinigassanngortitsissut tunniuteriigaq utertinniarsinnaavaa qinersinermi siulersuisut siulittaasuannut qinigassanngortitsissummik tunniussiviusumut saaffiginnikkut kingusinnerpaamik ulloq qinersiviusoq ullunik 11-inik sioqqullugu nal. 12. Qinersisussap, qinigassanngortitsissuusutut qinigassanngortitamini tapersiisuusup, tapersiisimanini utertinniarsinnaanngilaa qinigassanngortitsissutit qinersinermi siulersuisut siulittaasuannut tunniunneqareerneratigut.

§ 28. Qinersinermi siulersuisut piffissaq qinigassanngortitsissutinut tunniussivissaq naaniariapat qinigassanngortitsissutit tigusimasatik pillugit rigsombudsmandi allakkatigut ilisimatitsissuteqarfigissavaat ilanngullugu nalunaarlugu qinigassanngortitsissutit qinersinermi siulersuisunit atuusinnaassuseqartutut isumaqarfigineqarnersut. Partiit avataasigut qinigassanngortittut pillugit aamma qinigassanngortitsisut akuersisutigisat amerlassusaat nalunaarneqassaaq.

§ 29. Inatsisartut partiivisa piffissaq qinigassanngortitsissutinut tunnissivissaq naatinngit, tak. §27, imm.1, allakkatigut rigsombudsmandinalunaarfigissavaat qinigassanngortittut sorliit partiit akuersisutigisinnaagaat. Qinigassanngortittut, partiimit attavigisamit akuerineqarsinnaanngitsut, taanna sinnerlugu

qinigassanngortittut qinersinersinissamut qinigassanngortittut qinersinersinissamut qinigassanngortis-sinnaanngillat.

§ 30. Rigsombudsmandip nalunaarut, § 28-mi taaneqartoq, qinersineri siulersuisuneersussaq nalunaarullu, § 29-mi taaneqartoq, Inatsisartut partiivineersussaq tigareerunigit inissutaasumik aaljangiiffigissavaa, qinigassanngortitsissutit takkussimasut atuussinnaassuseqartutut akuerineqassanersut. Rigsombudsmandip qinigassanngortitsissut amigaateqarpallaarnera pissutigalugu atuussinnaassuseqanngitsutut nalunaarutigineqartariaqartutut isumaqarfigissaguniuk tamanna qinigassanngortittumut imaluunniit qinersisussamut nalunaarummi taaneqartumut na-lunaartutigipallassavaa. Nalunaarutip tunniunneqareereratigut kingusinnerpaamik ullut unnuallu marluk ingerlanerini amigaatit iluarsiniarneqarsinnaapput.

§ 31. Rigsombudsmandip sapinngisamik piaarnerpaamik qinigassanngortitat aqqi tamanut nalunaarutigissavai. Qinigassanngortitat, partii sinnerlugu qinigassanngortittut allattugaassapput naqinnerit tulleriinnerisut tulleriinnilersorlugit, partiinut tamanut immikkuutaarlugit. Partiit naqinnerit tulleriinnerisut tulleriinnilersorlugit qinigassanngortitatut kattuteqatigiinneq pillugu paasisutissatalerlugit. Peqatigisanik nalunaarfigineqassapput qinesineri siulersuisut, nalunaarutip qinersivinni taasiartorfissanilu tamani tamanut nalunaarutigineqarnissaanik isumaginnittussat. Tamanut nalunaaaruteqarneq § 25, imm. 4-mi taaneqartutut pissaaq.

§ 32. Qinersinissamut marluinnarnik qinigassanngortittoqarpat, rigsombudsmandip taasinissaq taamaa-tissavaa qinigassanngortittullu taa-sinertaqangitsumik qinigaasutut nalunaarutigalugit.

Pappialat taasiviit

§ 33. Rigsombudsmandip pappialat taasivissat qinersineri atugassat pissarsiarissavai. Pappialani taasivissani oqaatsit >>Folketingimut qinersineq << (>>Folketingsvalg<<) qallunaatut kalaallisullu naqitaas-sapput.

Imm. 2. Rigsombudsmandip pappialat taasivissat qinersineri siulersuisunut nassiutissavai, taaguvisitsi-nermi siulersuisunut pisariaqarneratut amerlassusilerlugit pilersuisussanut.

Kapitali 6

Ullormmi qinersivimmi taasisitsineq

§ 34. Taaguineq pissaaq taasiartorfissaani tamani inimi kommunalbestyrelseimit innersuussutaasumi.

Imm. 2. Taaguineri siulersuisup isumagissavaa, inimi taaguivimmi ineeqqanik taasivissalik pappiala-nullu taasivinnut nakkaatitsivissanik pisariaqarneratut amerlassusilinnik peqarnissaa. Ineeraq taasivik aaqqissuussaassaaq qinersisup qanoq taasinera allanit takuneqarsinnaajunnaarlugu. Ineeraq taasivik taasinissamut pisariaqartitanik atortulersugaassaaq.

Imm. 3. Inimi qinersivimmi ineeqqamilu taasivimmi nivinngaatitigaassapput qinigassanngortittut allasimaffii. Partii sinnerlugu qinigassanngortittut allattugaassapput partiit tamaasa immikkuutaarlugit naqinnerit tulleriinneri malillugit. Partiit allattugaassapput naqinnerittulleriinneri malillugit. Partiit avataasigut qinigassanngortittut kingullinngorlugit allattugaassapput naqinnerit tulleriinneri malillugit. Qinigassanngortittut marluk amerlanerusulluunniit kattusseqatigiissimanppata, nivingatitani tamanna allasimassaaq.

Immi. 4. Taaguinermik siulersuisup aamma isumagissavaa taaguiviusup taaguinissamut pisariaqarneratut piareersagaanissaa, ilanngullugu qinersisussat allasimaffiisa pappialaallu taasivissat taaguiviusumi pigineqarnissaat.

§ 35. Taaguineq aallartissaaq nal. 9 ingerlanneqassaarlun. 20 tikillugu aammalu tamatuma kingorna qinersisussanik taasiartortunik isersimasoqarallartillugu. Taaguineq naammassissaaq qinesisussanik najuuttunik kajumissaarneqaraluarlutik taasiumasoqarunnaarpat. Taagui-neq siusinnerusukkut naammassineqarsinnaavoq, qinersisussat tamakkerlutik taasereersimappata.

Imm. 2. Taaguineq aallartilersinnagu taaguinermik siulersuisup najuuttunut takutissavaak arsit taasivinnut nakkaatitsivissat imaqannginnerat. Tamanna pereerpat karsit parnaarasuarneqassapput.

§ 36. Qinersisoqassaaq nammineerluni inimut qinersivimmukarnikkut. Qinersisussap aperineqarnermigut taaguinermik siulersuisumut atini, najukkani ullorlu inunngorfini oqaatigissavai piunaffiqarnermigullu kiussutsiminut uppersaatiniq saqqummiissaaq. Taaguinermik siulersuisup qinersisup aqqi qinersisussat allasimaffianni krydsilissavaa pappialalu taasivissaqqinersisussamut tunniullugu.

§ 37. Taasineq pissaq ineeqqami taasivimmi, qinersisup kisimi isersimaffigisaani. Pap-pialamut taasivimmut qinersisup partii qinersinermut qinigassanngortitalik, imaluunniit qinigassanngortittut arlaata aqqa, immaqalu partiip aqqa ilanngullugu, aallassavaa (tassavaa).

Imm. 2. Taasineq pereerpat, qinersisup pappiala taasivik pertitissava qanoq taasineq allanit takuneqarsinnaajunnaarlugu. Tamanna pereerpat qinersisup pappiala taasivik karsimut nakkaatitsivimmut ikissavaa.

Imm. 3. Qinersisussap pappiala taasivini taarsertissinnaavaa, kukkusumik immersorneqarpat imaluunniit mianersuaalliornikkut atorsinnaajuannaarsimappat. Taarsiisoqarsinnanngilaq, pappialap taasiviup karsimut nakkaatitsivimmut ikereerneratigut. taaguinnermi siulersuisup pappialat taasiviit utertillugit tunniussat immikkoortissimallugit toqqortarissavai.

§ 38. Qinersisussat pitsorlunermik, sanngiinnermik assigisaannilluunniit pissuteqarlutik inimut qinersivimmukarsinnaanngitsut imaluunniit ineeqqamut taasivimmut isersinnaanngitsut imaluunniimmi peqqusutigineqartutut taasisinnaanngitsut, tak. § 37, taasiniarnermini pisariaqarneratut ikiorteqarumasinnaapput. Tamatumani iliuusereqqusaasut oqilisaavigineqarsinnaapput, ilanngullugu inip qinersiviusup silateralaanguani taasisinnaatitsinikkut.

Imm. 2. Taasiniartumut ikiuuttussaapput taaguinermik siulersuisoq qinersisussarlu ikiuunnissamut immik-
kut piginnaatitaasoq. Qinersisussalli tappiitsuusup isigiarsuttulluunniit inummit nammineq toqqakkanit
ikiorneqarnissi piumasarisinnaavaa.

Imm. 3. Pappialap taasivissap immersornissaanut aatsaat ikiorsiisoqarsinnaavoq qinersisussap ikiuuttus-
saatitat toqqarlugit paatsuugassaangitsumillu partii sorleq imaluunniit qinigassanngortittoq kina taaju-
manerini nalunaarutigippagu.

§ 39. Taaguinermik siulersuisup aalajangersinnaavaa inimi qinersivimmi inuit, qinersisitsisuusut, sania-
tigut taamaallaat qinersisussat taasiniartut kisimik isersimanissaat. Aammataaq taaguinermik siulersuisup
qinersussat isersimasut amerlassusissaat killilersinnaavaa toreersaarnissamut tunngasut tamanna pisaria-
qartippasuk. Taaguinermik siulersuisup aammataaq qinersisussat najuuttut amerlassusaat killilertarsin-
naavaa eqqissisimanissaq pillugu tamanna pisariaqartinneqaraangat. Taaguinermik siulersuisup sianigissa-
vaa qinersisussat inimi taaguivimmi qineqqusaarfigineqannginnissaat. Taaguinermik siulersuisup unner-
suussutai aamma najuuttunit malinneqartassapput.

§ 40. Inuit taaguisitsinermi suleqataasut qinersisussamut siunnersuinatilluunniit kajumissaarissanngillat
partiimik sorlermik imaluunniit qinigassanngotittumik kimik taasinissat pillugu. Susassaqanngitsumut
oqaatigissanngilaat qinersisussaq kina qinersiartoreersimanersoq imaluunniit qinersisup taasineranut tun-
ngasut pillugit paasissutissiisanatik.

Imm. 2. Susassaqanngitsut arlaannaataluunniit qinersisussat ilumut qinersiartornerannik taasinerannillu
arajutsinaveersaarissanngilaq.

§ 41. Taaguineq naammasigaangat, aammalu taasinerik kisitsineq aallarnerneqalersinnagu, kisinneqar-
lutillu qilertkkuutaarlugit poortorneqartassapput.

- 1) pappialat taasivissat tunniunneqarsimangi, aamma
- 2) pappialat taasivissat, taarsiinikkut utertitat.

Imm. 2. Tamanna pereerpat taasinerit §§ 53- 55-imi taaneqartutut kisinneqalissapput.

Kapitali 7

Allakkatigut taasineq

§ 42. Qinersisussat, Kalaallit Nunaanniittut, ullormilu qinersivimmi taasiartornissaminnut akornuteqar-
tut, inunnik nalunaarsuiffinni tamani allakkatigut taasisinnaapput.

Imm. 2. Qinersisussat, Kalaallit Nunaanni napparsimmavinni allaniluunniit peqqissartarfinni paaqqinnit-
tarfinnilu uningasut, napparsimmavimmi paaqqinniffimmiluunniit allakkatigut taasisinnaapput.

Imm. 3. Qinersisussat, Kalaallit Nunaanni Pinerluttunik Isumaginninnermi isertitsisarfinniitit, isertitsisarfinmi allakkatigut taasisinnaapput.

Imm. 4. Qinersisussat, Kalaallit Nunaanni mittarfeqarfinni, silasiorfinni il.il. kommuneqarfiit aggornerisa avataaniittuni najugaqarallartut, taasivinnik tigooraasussami, indenrigsministerimit toqqakkami, allakkatigut taasisinnaapput.

Imm. 5. Qinersisussat, Kalaallit Nunaanni sumiiffinni aliamasissuni, taasiartorfissaqanngitsuniittut, inummi qinersisinnaatitaasumi, kommunalbestyrelsimit toqqakkami allakkatigut taasisinnaapput.

Imm. 6. Qinersisussat, naalagaaffiup sinnerani najugaqarallartut, allakkatigut taasisinnaapput inunnik nalunaarsuiffimmi imaluunniit taasivinnik tigooraasussami, indenrigsministerimit toqqakkami.

Imm. 7. Qinersisussat, nunami allamiikkallartut, danskit naalakkersuisutigut naalakkersuisutiguunngitsumilluunniit aallartitaqarfiani imaluunniit taasivinnik tigooraasussatut indenrigsministerip toqqagaani allakkatigut taasisinnaapput.

Imm. 8. Umiartortut ilaasullu umiarsuarmini Kalaallit Nunaanni angerlarsimaffeqartuniittut imaluunniit danskit umiarsuaanni nunani allani angalasuniittut kiisalu inuit, danskit sullissiviutaani imaaniittuni sulisuusut, allakkatigut taa-sinnaapput umiarsuarmini imaluunniit sullivimmi imaaniittumi. Umiarsupp naalagaa imaluunniit alla umiarsuup naalagaata toqqagaa, taamatullu sullivimmi imaaniittumi pisortaqaq allaluunniit pisortap taassuma toqqagaa taasivinnik tigooraasuussapput.

§ 43. Allakkatigut taasineq pisinnaavoq qinersinissaq siusinnerpaamik qaammatinik pingasunik sioqqullugu, taamaattoq tak. Imm.2.

Imm. 2. Kalaallit umiarsuaanni imaluunniit danskit umiarsuaanni nunani allani angalasuni umiartortut taakua aapparisaat angalaqataasut umiarsuarmini allakkatigut taasisinnaapput folketingimut qinersinerup aqaguaniit folketingimut qinersinissamut tullissamut siullermut atuussinnaassuseqartussamik.

§ 43 a. Folketingimut qinersinissaq nalunaarutigineqareerpat kalaallit umiarsuaanni naalakkat tamatumunnga kalerrinneqassapput.

Imm. 2. Kalaalli umiarsuaanni nalaagaasup folketingimut qinersinissap nalunaarutaanera ilisimalerniariaruniuk umiarsuarmini allakkatigut taasinissaq isumagissavaa. Allakkatigut taasisoqanngitsoorsinnaavoq allakkatigut taasinerit nassitsivissakkut sukkanerpaagaluakkulluunniit ullormi qinersivimmi taaguineq aallartilersinnagu angunnissaat ilimagineqarsinnaassanngippat, imaluunniit umiarsuarmini pingitsoorani imaluunniit kinguartitassaannngitsumik iliuusissat tamatumunnga akornusiisuussappata.

§ 44. Kalaallit Nunaanni, aamma umiarsuarmini, allakkatigut taasinnermi atugassat tassaapput § 33, imm. 1-imi taaneqartutut pappiala taasivissaq, allakkat puuat, allakkat nassitsissutit puussarlu qalliutissaq.

Allakkatigut taasinermi atortussat rigsombusmandip pissarsiarissavai. Allakkatigut taasinermi atortussat qanoq ilisukkulluunniit pigineqartuassapput Kalaallit Nunaanni inunnik nalunaarsuiffinni. Allakkatigut taasinermut atortussanik ajornangippat kalaallit umiarsuaaniititsisoqartuartaqarpoq.

Imm. 2. Kalaallit Nunaata avataani allakkatigut taasinermi atorneqassapput allakkatigut taasinermi atugassat, folketingimut qinersisarneq inatsimmi § 60-imi taaneqartut.

§ 45. Qinersisussat allakkatigut taaserusuttut pisariaqartinneqartutut kiussutsimut uppernarsaammik taasinernik tigooraasumut takutitaqartassapput. Tamanna pereerpat allakkatigut taasivissanik tunineqassapput.

Imm. 2. Pappialami taasivimmi allanneqassapput partiip qinersiermut qinigassanngortitallip aqqa imaluunniit qinigassanngortittut arlaata aqqa, partiip aqqa uiguutigineqarsinnaalluni.

Imm. 3. Qinersisup pappiala taasivissaq immersussavaa allanit isigineqarani allakkallu puuannut ikillugu. Tamanna pereerpat taasinernik tigooraasusaaq, taasineq uppernarsarlugu atsiortusaaq, najutsillugu allakkat oqaaseqaatit qinersisup immersussavai atsiorlugillu.

Imm. 4. Qinersisussap pappiala t immersorsinnaanngippagu imaluunniit allakkat nassitsissutit immersorsinnaanagillu atsiorsinnaanngippagit, taasinernik tigooraasoq pisariaqarneratut ikiuutissaaq, taamaattoq tak. imm. 5. ikiuuttoqarpat, tamanna allakkani nassitsissutinitakuneqarsinnaassaaq.

Imm. 5. Pappialanik taasivimmik immersuinissamut aatsaat ikiuuttoqarsinnaavoq, qinersisussap ikiuuttussamut paatsuugassaannigsumik oqaatigisinnaappagu partii sorleq imaluunniit qinigassanngortittoq kina taajumanerini.

Imm. 6. Allakkap puua pappialamik taasivimmik imalik allakkallu nassitsissutit qalliutitut puussamut ikineqassapput, kommunimi qinersisup qinersisartut allassimaffianni allanneqarfigisaani kommunalbestyrelsimut nassiunneqartussamut. Qalliutitut puumi qinersisup aqqi, ulloq inunngorfia najugaalu taaneqassapput.

§ 46. Taasinernik tigooraasut allakkatigut taasinernut atatillugu qinersisumut siunnersuinatilluunniit kajumissaarissanngillat partiimik sorlermik qinigassanngortittunilluunniit kimik taasinnissaasa tungaatigut. Susassaqanngitsunut oqaatigissanngillat qinersisusaaq allakkatigut taasereernersoq, imaluunniimmi qinersisup taasinerani pissutsinik oqaatiginnissanatik.

Imm. 2. Susassaqanngitsut arlaannaataluniit qinersisussat ilumut allakkatigut taasinerat arajutsinaveersaasanngilaa.

§ 47. Allakkatigut taasinnissap aaqquissuunnissaa ingerlannissaalu pillugit kiisalu allakkatigut taasinermi periaasissaaq pillugu indenrigsministeri erseqqinnerusunik maleruagassiorsinnaavoq.

§ 48. Kommunalbestyrelsip allakkat qalliummik puullit ammaneqangitsut ingerlateqqipallassavai qinersivimmi imaluunniit taasiartorfimmi, qinersisup najugaa qalliutitut puumi taaneqartoq malillugu qinersisinnaatitaaffiani taaguinermik siulersuisumut. Allakkatigut taasivik taaguinernik siulersuisumit tiguneqareersimassaaq taaguineq aallartilersinnagu.

Imm. 2. Allakkatigut taasereernikkut nassitsisusoq allamut nuunneq pissutigalugu kommunep qinersisussanut allattuiffianiit piiarneqarpat Kalaallit Nunaannilu kommunimi allami qinersisussat allassimaffiannut ilanngunneqarsimappat, kommunalbestyrelsip imaluunniit taaguinermik siulersuisup allakkatigut taasivik kommunimut allatsiffiumut ingerlateqqissavaa.

Imm. 3. Kommunalbestyrelsip allakkatigut taasinerit tiguneqartut amerlassusaat ullorlu tiguneqarfiat kiisalu allakkatigut taasinerit taaguinermik siulersuisunut ataasiakkaanut imaluunniit kommuninut allanut ingerlateqqinneqartut amerlassusaat ullullu ingerlateqqinneqarfii allattuiffeqartissavai.

§ 49. Taaguineq aallartilersinnagu taaguinermik siulersuisup allakkat qalliutituppuuammassavaa, misioneqassarlu allakkatinnaanersutgut taasinerit atorsinnaatinneqarsinnaanersut.

Imm. 2. Allakkatigut taasineq atorsinnaassanngilaq.

- 1) nassitsisoq qinersisussat allassimaffianni allassimanngippat.
- 2) nassitsisoq ulloq qinersivissaq nallertinnagu toqusimappat.
- 3) qalliutitut puuliussaq allakkanik nassitsissutinik allakkallu puuinik ataasiinnaanngitsunik imaqarpat.
- 4) allakkatigut taasinermi atugassat, § 44-mi taaneqartut, atorneqarsimanngippata,
- 5) allakkatigut taasinermi periaasissatut peqqussutaasoq malinneqarsimanngippat imaluunniit
- 6) allakkatigut taasineq piffissaliussat, § 43-mi taaneqartut, ingerlaneranni taasinerusimanngippat.

Imm. 3. Qinersisussamit ataatsimiit allakkatigut taasineq atorsinnaasoq ataasiinnaatinnagu tiguneqarpat kingullertut taasineq atorsinnaatitaassaaq.

§ 50. Allakkatigut taasineq atorsinnaatitaagaangat qinersisup qinersisussat allassimaffianni aqqa nalunaatutserneqartassaaq qinersisussap taasereerneranik nalunaarinnittumik. Allakkat puuat ammarneqanngitsoq allakkallu nassitsissutit qalliutitut puuannut ikeqqinneqassapput toqqortarineqassallutillu taaguineq naammassinissaa tikillugu. Tamatuma kingorna allakkat puui qalliutitut puuniit ammunneqassapput taasivinnullu nakkaatitsinnut nakkartinneqarlutik. Allakkat puui aatsaat ammaneqassapput taasinerinik kisitsinermut atatillugu.

Imm. 2. Allakkatigut taasineq atorsinnaatitaanngippat, tamatumunnga pissutaasut qalliutittut puuannut allanneqassapput, allakkallu nassitsissutit qalliutitut puumut tassunga ikeqqinneqassapput.

§ 51. Allakkatigut taasinerit, taaguinerup aallartereerneratigut taaguinermik siulersuisumit tiguneqartut qanoq ilineratigut tiguneqarnerannik allagarserneqassapput atorsinnaatitaassanatillu.

§ 52. Qinersisussaq, atorsinnaatitaasumik allakkatigut taasereersimasoq, ullormi qinersivimmi taasisinnaangilaq.

Kapitali 8

Taasanik kisitsineq

Kisitsigallarneq

§ 53. Taaguineq naammassereerpat pappialallu taasivissat, § 41-mi taaneqartut, kisinneqarlutillu poor-torneqareerpata, taaguinermik siulersuisoq taasinernik kisitsilissaaq. Taasinernik kisitsineq tamanut ammasuussaaq. Kisinneqassapput partiinut tamanut immikkut taasinerit (partiinut taasinerit), tak. Imm. 2, aamalu qinigassanngortittunut tamanut immikkut taasinerit amerlassusaat, tak. Imm. 3 aamma 4.

Imm. 2. Taasineq partiimut, aqqa qinersisup pappialamut taasivimmut allassimasaanut, taasinerussaaq.

Imm. 3. Taasineq qinigassanngortittumut, partii sinnerlugu qinigassanngortittuusumut, aqqa partiip aqqa ilanngunneqarsimasinnaalluni qinersisup pappialamut taasivimmut allassimasaanut, taasinerussaaq.

Imm. 4. Taasineq partiit avataanni qinigassanngortittumut, aqqa qinersisup pappialamut taasivimmut allassimasaanut, taasinerussaaq.

§ 54. Pappiala taasivik inimi qinersivimmi taasigineqarsimasoq atorsinnaangilaq,

- 1) allaffigineqarsimanngikkuni
- 2) qularnaarneqarsinnaangippat partii sorleq imaluunniit qinigassanngortittoq kina qinersisup taaniarsimaneraa,
- 3) pappialami taasivimmi taamaallaat allanneqarsimappat qinigassanngortinngitsup aqqa, imaluunniit taamaallaat partiip qinigassanngortitaqanngitsup aqqa,
- 4) isumaqarnarpat pappiala taasivik taasiartorfimmi tunniussaasimanngitsoq, imaluunniit
- 5) pappiala taasivik immikkut ilisarnaasigaasimappat.

Imm. 2. Allakkatigut taasivik atorsinnaangilaq,

- 1) allaffigineqarsimanngikkuni,
- 2) qularnaarneqarsinnaangippat partii sorleq imaluunniit qinigassanngortittoq kina qinersisup taaniarsimaneraa,
- 3) pappialami taasivimmi taamaallaat allanneqarsimappat qinigassanngortinngitsup aqqa, imaluunniit taamaallaat partiip qinigassanngortitaqanngitsup aqqa,
- 4) allakkat puuat allanik imaluunniit pappialamik taasivimmik ataasiinnaanngitsumik imaqarpat,
- 5) isumaqarpat pappiala taasivik rigsombudsmandimit imaluunniit indenrigsministerimit pissarsiaasimanngitsoq, imaluunniit

6) pappiala taasivik immikkut ilisarnaasigaasimappat.

Imm. 3. Taaguinermik siulersuisup qinersinermut allattaavinnut allassavaa pappialt taasiviit qasit atorsinnaatitaannginnerat tamatumunngalu pissutaasut.

§ 55. Taasinernik kisitsineq naammassippat, angusat qinersinermut allattaavinnut allanneqassapput, taaguinermik siulersuisumit atsiorneqartussanut.

Imm. 2. Qinersivinni taasiartorfinnut arlalinnut agguataagaasuni, taaguinermik siulersuisup taasiartorfimmi angusat qinersiviup siulersuisuanut nalunaarutigipallassavaai.

§ 56. Qinersivimmi taaguinermik siulersuisoq taasiartorfinniit, qinersivik agguataarneqarsimassappat, taasinerit kisitsisaat nalunaarutaasut kattitissavai tamakkulu tunngavigalugit qinersivimmi qinersinerup inenera tamarmiusoq naatsorsorlugu. Qinersinerup inenera qinersinermut allattaavinnut, qinersivimmi siulersuisumit atsiorneqartussanut, allanneqassapput.

Imm. 2. Qinersivik taasiartorfinnut agguataagaanngippat, qinersivimmi angusat tassaassapput § 55, imm. 1-imi taaneqartut.

Imm. 3. Qinersivimmi siulersuisup qinersivimmi qinersinerup inenera qinersinermi siulersuisunut rigsombudsmandimullu nalunaarutigipallassavaai.

§ 57. Qinersinermi siulersuisut kommunip qinersiviinit tamaniit nalunaarutit tigoreerunikkitt kommunimi qinersinerup inenera tamarmiusoq naatsorsussavaat taasinerit kisitsisitaat nalunaarutaasut katiternerisigut. Qinersinerup inenera taanna qinersinermut allattaavinnut, qinersinermi siulersuisunit atsiorneqartussanut, allanneqassaaq.

Imm. 2. Qinersinermi siulersuisut kommunimi qinersinerup inenera rigsombudsmandimut nalunaarutigipallassavaat ilanngullugit taallugit kommunimi qinersisut amerlassusaat kiisalu qinersinermut atsumik pissutsinik immikkut ittunik qinersinerup inerneranut sunniuteqarsinnaasunik atuuttoqarsimanersoq.

§ 58. Rigsombudsmandip qinersinermi siulersuisunit tamaniit nalunaarutit tigugunigit qinersineq naatsorsorlassavaa. Qinersinermi siulersuisunit tamaniit qinersinerup ineneri tamakkiisuusut tiguneqanngikkaluilluunniit, rigsombudsmandi naatsorsuisinnaavoq, paasissutissat amigaataasut paasissutissat pigineqartut malillugit qinersinerup inerneranut sunniuteqartussaassanngippata.

Imm. 2. Naatsorsuinermi partiinut tamanut immikkut taasinerit aammalu qinigassanngortittunut tamanut immikkut taasinerit katiterneqassapput, kingornatigullu partiinut tamanut immikkut taasinerit partiillu qinigassanngortitaannut taasinerit katiterneqassapput, kiisalu kattusseqatigiinnikkut qinigassanngortittunut tamanut immikkut tunngatillugu kattusseqatigiinni qinigassanngortittunut taasinerit katiterneqassapput. Partiinut tamanut immikkut kattusseqatigiinnikkullu qinigassanngortittunut tamanut immikkut taasinerit

kisitsisitaat 1-imik 2-millu agguarneqassapput. Tamanna pereerpat siulliulluni ilaasortannussaaq partii, kattusseqatigiit imaluunniit partiit avataasigut kisimiilluni qinigassanngortittoq amerlanerpaamik taagorneqarsimasoq, tulliullunilu ilaasortannussalluni partii, kattusseqatigiit imaluunniit partiit avataani kisimiilluni qinigassanngortittoq amerlanerpaamik taagorneqarsimasoq.

Imm. 3. Qinersivimmi ilaasortaaffiit partiimit kattusseqatigiinnilluunniit ilaasortaaffigineqalertussat partiip kattusseqatigiiffiilluunniit qinigassanngortitaanut agguarneqassapput qinersivimmi siulliulluni ilaasortaasussanngorlugu qinigassanngortittoq amerlanerpaamik taaguunneqarsimasoq, tullertullu ilaasortaasussanngorlugu qinigassanngortittoq amerlanerpaamik taaguunneqartumut tulliulluni taaguunneqarsimasoq.

§ 59. Rigsombudsmandi qinigassanngortittunut qinigassanngortittunut qinigaasunut qinigaanerat pillugu allakkiussaaq, taammaattorli qinersinerup inaarutaasumik naatsorsornissaa aammalu qinersinerit folketingimut akuersissutaanissaat allannguutaaratarsinnaanerarlugit.

§ 60. Rigsombudsmandip indenrigsministeri naatsorsuinerugallartup inernerinik, qinersisut tamakkerlutik amerlassusaannik pissutsinillu, qinersinerup atuussinnaassuseqarnarneranut sunniuteqarsinnaasunik naatsorsuigallarnerullu naliliiffigineramik ilisimatitsissuteqarfipallassavaa. Indenrigsministerip paasissutissat folketingimut nassiutipallassavai.

Inaarutaasumik naatsorsuineq

§ 61. Qinersinerup kingusinnerpaamik aqguani taauinermik siulersuisup immikkut poortugakkuutaani qilertakkutaassavai

- 1) pappialat taasiviit taasivigineqarsimannngitsut allallu taasiviit atuussinnaatitaannngitsut,
- 2) pappialat taasiviit atorsinnaatitaasut, qinigassanngortittunut ataasiakkaanut taasinerit partiillu taasinerit immikkut poortakkuutaarlugit, aamma
- 3) allakkatigut taasinermi taasissutit nr. 1-imi 2-milu taanqartunut ilaatitaannngitsut.

Imm. 2. Poortukkat, imm. 1-imi taaneqartut, poortukkallu § 41, imm. 2-mi taaneqartut sapinngisamik piartumik nassiunneqassapput qinersinermi siulersuisunut qinersisussat allassimaffiinu qinersinermullu allattavinnut peqatigitillugit.

Imm. 3. Qinersivik taasiartorfinnut arlalinnut aggugaappat, atortut, imm. 2-mi taaneqartut qinersiviup siulersuisuanut nassiunneqassapput taakkua qinersinermi siulersuisunut ingerlateqqipallannissaannik isumaginnittussamat.

§ 62. Qinersinermik siulersuisut qinersinermi atortut § 61-imi taaneqartut kommunip qinersinermi atortut § 61-imi taaneqartut kommunip qinersiviinit tamaniit tigoreerukit atortut taakku rigsombudsmandimut nas-

siutissavaat qinersinermut allattaavimmik kommunalbestyrelsillu allakkatigut taasinertut tigusimasaanut ingerlateqqissimasaanullu nalunaarsuummik, tak. § 48, imm. 3, ilaqartillugit.

Imm. 2. Rigsombudsmandip atortut imm. 1-imi taaneqartut qinersinermik siulersuisunit tamaniit tiguguni-git, qinersinerup inenera inissutaasumik naatsorsussavaa. Partiit, kattusseqatigiit imaluunniit partiit avataa-sigut kisimiillutik qinigassangortittut arlallit amerlaqaqigiimmik taaguunneqarsimappata, tak. § 58, imm. 2, makitsinikkut aalajangerneqassaaq kia arlaata ilaasortaaffik pissarsiarissaneraa. Aamma taamaassaaq partiip kattusseqatigiilluunniit qinigassangortitaasa akornanni ilaasortaaffiit agguarnissani, tak. § 58, imm. 3, par-tiip kattusseqatigiiffiilluunniit qinigassangortitaat arlallit amerlaqatigiimmik taaguunneqarsimatillugit.

Imm. 3. Naatsorsuinerup inenera qinersinermut allattaavinnut, rigsombudsmandimit atsiorneqassaaq.

§ 62 a. Qininigassangortitat qinigaanngitsut paarteeqqataasuni taamatullu kattusseqatigiinnikkut qini-gassangortittuni qinigasunut sinniisussaassapput taaneqarnermik amerlassusaat najoqqutaralugu tulleriin-neqarlutik. Amerlaqatigiimmik taaneqarnerni maitsisoqartassaaq.

§ 63. Rigsombudsmandip qinersinermut allattaavik indenrigsministerimut nassiutissavaa, folketingimut ingerlatitseqqipallattussamut.

Kapitali 9

Qinersinerup folketingimit akuersissutigineqarnera il.il.

§ 64. Qinigassangortitat qinigaanerisa atuussinnaassuseqarnerat folketingip akuersissutigissavaa.

Imm. 2. Folketingip taasinermi atortut il.il. folketingimut nassiunneqarnissaat piumasarisinnaavaa.

§ 65. Qinersisut kikkulluunniit folketingimut qinersineq pillugu naammagittaalliorsinnaapput. Naamma-gittaalliuutit rigsombudsmandimut nassiunneqassappt rigsombudsmandimilu tiguneqareersimassallutik ullormi ullup qinersiviusup sapaatip akunninngorfiani. Rigsombudsmandip naammagittaalliuut indenrigs-ministerimut nassiutissavaa oqaaseqaatini ilanngullugit. Indenrigsministerip taakkua folketingimut inger-lateqqissavai.

§ 66. Qinersineq atorsinnaassuseqanngitsutut folketingip aalajangiiffigissappagu qinerseqqittoqassaaq. Qinigassangortittut eqqortumik qinigaasutut isigineqarallassapput.

Imm. 2. Rigsombudsmandip ulloq qinerseqqiffissaq aalajangissavaa. Qinerseqqinnermi inut ullormi qiner-seqqaarfimmi qinerseqataasinnaatitaasimasut qinersisussallu allassimaffiannut allanneqarsimasut kisimik taasisinnaapput.

Imm. 3. Qinerseqqinnermut piffissap atortuussuseqarfiusup § 1, imm. 2, malillugu piffissaq atortuussuseqarfissaq malissavaa.

§ 67. Folketingi aalajangiippat qinigassanngortittoq qinigaasoq qinigaasinnaatitaanngitsoq, pineqartup taassuma sinniisussaa taarsiunneqassaaq, tak. § 62 a.

§ 68. Sinniisussaq folketingimi ilaasortanngussaaq, folketingimi ilaasortaasoq ilaasortaajunnaarpat, aammalumi tamanna pillugu maleruagassat folketingip suleriaasissaani aalajangersarneqartut malillugit.

Imm. 2 Qinigaaffiup inuttasaarunnerani sinniisussaqanngippat, inuttaliinissaq pillugu qinersisoqassaaq, tak. § 68 a.

§ 68 a. Inuttaliinissaq pillugu qinersisoqarsimassappat, ilaasortamik nutaamik qinersineq atuutissaaq ullormi nalinginnaasumik qinersiviusumi qigigaasunut piffissap atuuffissaatitaasup sinneranut.

§ 69. Folketingimi ilaasortat akissarsiaqarlutillu soraarnerussutisiassaqaassapput il.il. maleruagassat folketingimut qinersineq pillugu inatsimmi kapitali 14-imi aalangersakkat malillugit.

Kapitali 10

Inunnik taasisitsinerit

§ 70. Inatsimmi tunngaviusuni § 29, imm. 2, aamma 88 malillugit Kalaallit Nunaanni inunnik taasisitsisoqartassaaq. Aamma taamaassaaq inatsisini tunngaviusuni § 29, imm. 2, aamma § 42 malillugit inunnik taasisitsinerni, inatsit pineqartoq taanna Kalaallit Nunaanni atuutissappat imaluunniit peqqussutikkut Kalaallit Nunaanni atortuulersinneqarsinnaassappat.

§ 71. Kalaallit Nunaanni inunnik taasisitsinerit pisassapput naalagaaffiup sinnerani ullormi taasisitsiviusumi.

§ 72. Rigsombudsmandip inatsisissamut siunnersuut imalunniit inatsit tamanut nalunaarutigissavaa ullormik inunnik taasisitsivissamik paasissutissartalerlugu. Nalunaaruteqarneq pissaaq siusinnerpaamik ulloq taasisitsivissaq ulluinnarnik 18-inik sapinngisamillu ulluinnarnik 12-inik sioqqullugu.

§ 73. Inunnik taasisitsineq pisassaaq qinersivinni taasiartorfissanilu folketingimut qinersinertulli, tak. Kapitali 3.

Imm. 2. Inunnik taasisitsineq siulersorneqarlunilu piareersarneqassaaq rigsombudsmandimit, qinersinermi siulersuisunit, taaguinermi siulersuisunit qinersisartunillu folketingimut qinersinermi tamtumunnga kapitali 3-mi 5imilu taaneqartutut piginnaatitaasunit taasisitsinerup suunera naapertorlugu allannguuteqartillugit, tamaattoq tak. imm. 3.

Imm. 3. Inunnik taasisitsinermi pappialani taasivissani qallunaatut kalaallisullu naqitaassapput oqaatsit >>Inunnik Taasisitsineq<< aamma erseqqissumik immikkortillugit oqaatsit >>Aap<< aamma >>Naagga <<.

§ 75. Ullormi taasivimmi taaguineq pissaaq folketingimut qinersineq pillugu kapitali 6-imi maleruagassat naapertorlugit, taamaattoq tak. Imm.2.

Imm. 2. Taasinermi qinersisut inatsisissatut sunnersuummik imaluunniit inatsimmik taasivimmi oqaaseq >> Aap<< krydsilissavat, qinersisut akerliullutik taasivimmi oqaatsimik >>Naagga<<-mik krydsiliissallutik. Inimi taasivimmi ineeqqanilu taasivinni ineeqqanilu taasivinni allagarsiinikkut qinersisus-sat tamatuminnga ilitersorneqassapput.

§ 76. Inunnik taasisitsinermi allakkatigut taasisoqarsinnaavoq folketingimut qinersinermi kapitali 7-imi maleruagassanut naapertuuttumik, taamaattoq tak. Imm. 2-4.

Imm. 2. Kalaallit Nunaanni allakkatigut taasinissamut atugassatut pappialani allakkatigut taasivissani qallunaatut kalaallisullu naqitaassapput oqaatsit >>Inunnik Taasisitsineq<< aamma erseqqissumik immikkoortillugit oqaatsit >>Aap<< aamma >>Naagga<<.

Imm. 3. Kalaallit Nunaata avataani allakkatigut taasinermi atorneqassapput allakkatigut taasinermi atorneqassapput allakkatigut taasinermi atugassa, folketingimut qinersineq pillugu inatsimmi § 100-mi taaneqartut.

Imm. 4. Taasineq § 75, imm. 2-mi taaneqartutut ingerlanneqassaaq.

§ 77. Taasisitsinerup inerneranik naatsorsuineq nalunaaruteqartarnerlu pissapput folketingimut qinersinermi kapitali 8-imi maleruagassanut naapertuuttumik, taasisitsinerup suunerata kingunerisaanik allannguititalerlugit, taamaattoq tak.imm. 2.

Imm. 2. Taasivimmi pappiala taasivigisaq atorsinnassanngilaq,

- 1) allaffigineqarsimanngikkuni,
- 2) § 75, imm. 2-mi taaneqartutut krydsiliiffigineqarsimanngikkuni,
- 3) isumaqarnarpat pappiala taasivik taasivimmi tunniussaasimanngitsoq, imaluunniit
- 4) pappiala taasivik immikkut ilisarnaasigaasimappat.

Imm. 3. Allakkatigut taasineq atorsinnaassanngilaq,

- 1) allaffigineqarsimanngikkuni,
- 2) § 75, imm. 2-mi taaneqartutut krydsiliiffigineqarsimanngikkuni.
- 3) isumaqarnarpat pappiala allakkatigut taasivik rigsombudsmandimit imaluunniit indenrigsministerimit pissarsiaasimanngitsoq,
- 4) allakkatigut taasinermi allakkat puuat allanik pappialamik taasiviinnaanngitsunik imaqarnarpat imaluunniit

5) pappiala taasivik immikkut ilisarnaasigaasimappat.

§ 78. Rigsombudsmandip indenrigsministeri inunnik taasisitsinerup inerneranik ilismatitsissuteqarfigipallassavaa.

§ 79. Qinersisarteq kinaluunniit inunnik taasisitsineq pillugu naammagittaalliuuteqarsinnaavoq. Naammagittaalliuutit rigsombudsmandimut nassiunneqassapput rigsombudsmandimilu tiguneqareersimassallutik ullup tasisitsiviusup sapaatit akunninngorfiani. Rigsombudsmandip naamagittaalliuut indenrigsministerimut nassiutissavaa oqaaseqaatiminik ilallugu. Indenrigsministerip naamagittaalliuut folke-tingimut ingerlateqqissavaa.

§ 80. Ulloq ataaseq inatsisissatut siunnersuutit inatsisilluunniit marluk arlallilluunniit inunnik taasisitsisutaassappata, rigsombudsmandi aalajangersakkanik, ataatsikkut taasisitsinissat kingunerisa pisariaqartitaanik aalajangersaasinnaavoq.

Kapitali 11

Aalajangersakkat assigiinngitsut

§ 81. Rigsombudsmandi inatsisip maleruagassartaanik sanioqqutsisinnaavoq pissusiusut malillugit, ilanngullugit silap pissusii, tamanna pisariaqarsorinassappat, qinersinerup ingerlanerata isertortuunissaa nakutiginninnerlu isumannaatsuujuassappat. Taamaattorli qinersisinnaatitaaneq qinigasinnaatitaanerlu pillugit maleruagassanik kiisalu qinrsinerup ullormi ataasimi Kalaallit Nunaanni tamarmik ingerlanneqarnissaanik inunnillu taasisitsinerup naalagaaffiup sinneranisulli ullormi atatsimi ingerlannissaanik maleruagassanik sanioqqutsisoqarsinnaanngilaq.

Imm. 2. Rigsombudsmandip imm. 1 malillugu sanioqqutsinnerit qinersinermut allattaavimmi nassuiaateqartissavai.

§ 82. Naqittakkanut, nalunaarutinut, pappialanut taasivissanut allakkatigullu taasinermi atortussanut Kalaallit Nunaanni allakkatigut taasinermi atugassat aningaasartuutit Kalaallit Nunaanni landskarsimit akilerneqassapput.

Imm. 2. Kalaallit Nunaata avataani allakkatigut taasinermi atortussanut aningaasartuutit naalagaaffiup karsianit akilerneqassapput.

Imm. 3. Allakkatigut taasivinnik nassitsinermi frimærkinut aningaasartuutit akilerneqartassapput pisortanit, inissiisarfimmi, umiarsuarmi imaluunniit imaani suliffiliami taasinerneq tigooraasussamik sinniisuutitaqartunit.

Imm. 4. Qinersinermut imaluunniit inunnik taasisitsinermut atatillugu aningaasartuutit allat kommunip susasaqartup karsianit akilerneqassapput.

§ 83. Inatsisit allat malillugit sakkortunerusunik pineqaatissiinissamut pissutissaqanngippat, kinaluunniit § 40-mik, § 43 a, imm. 2-mik, imaluunniit § 46-mik unioqqutitsisoq akiliisussanngortitaasaaq.

Imm. 2. Malerugassani, § 47 malillugu suliaasuni, aalangerneqarsinnaavoq, maleruatassani aalajangersakanik unioqqutitsineq akiliisitsissutaasinnaasoq.

§ 84. Inatsit atuutilissaaq ulloq 1. januar 1989, taamaattoq tak imm. 2.

Imm. 2. Taamaattorli qinersisussanut, Savalimmiuneersunut Kalaallit Nunaanni kommuneqarfiit aggornerisa avataani inunnik nalunaarsuiffimmut nalunaarsimasunut tunngatillugu piffissaq § 84, imm. 3, nr. 3-p ator-
tuulerfissaa indenrigsministeriamit aalajangerneqassaaq.

Imm. 3. Aalajangersakkat makku atorunnaassapput:

- 1) Kalaallit Nunaanni folketingimut qinersisarneq pillugu inatsit, tak. Inatsimmik nalunaarut nr. 416, 29. juli 1974-imeersoq.
- 2) Folketingimut qinersisarneq pillugu inatsimmi § 6, tak. inatsimmik nalunaarut nr. 418, 22. september 1980-imeersoq.
- 3) Savalimmiuni folketingimut qinersisarneq pillugu inatsimmi § 5, tak. inatsimmik nalunaarut nr. 592, 3. september 1986-imeersoq.

Imm. 4. Peqqussutit inatsit, imm. 3, nr. 1-imi taaneqartoq naapertorlugu suliaasut atuutiinnarneqassapput, inatsit manna malillugu maleruagassiatigut atorunnaarsinneqarnissamik tungaanut.

Qinersisartunut savalimmiuneersunut kommuunit agguarneqarnerisa avataanni Kalaallit Nunaanni sumiiffiit avataani innuttaasunik nalunaarsuiffimmut nalunaarsimasunut, Kalaallit Nunaanni folketingimut qinersisarneq pillugu inatsimmi § 14-ip atuutilersinnissaa pillugu nalunaarut nr. 660, 20. August 1993-imeersup imarai atuutilersitsinissamut aalajangersakkat makku:

§ 2

Nalunaarut atuutilersinneqarpoq ulloq 1. september 1993.

Kalaallit Nunaanni folketingimut aqinersisarneq pillugu inatsisip allannguutaa pillugu inatsisip nr. 877, 24. november 1993-imeersup (innuttaasut taasitinneqartarnerat pillugu allannguutip) imaraa atuutilersitsinissamut aalajangersakkat maku:

§ 2

Inatsit atuutilersinneqarpoq ulloq 1. januar 1994.

Kalaallit Nunaanni folketingimut qinersisarneq pillugu inatsisip allannguutaa (qinigassanngortit-tunik nalunaarutiginnittareq, sinniisussanik, allakkatigut taasisitsinerit il.il.) allanngutaat) pillugu inatsisip nr. 822, 25. november 1998-imeersup imaraa atuutilersitsinissamik aalajangersagaq manna:

§ 2

Inatsit atuutilersinneqarpoq ulloq 1. juli 1999.

Qinersiviit allattorsimaffiata allannguutaa Kalaallit Nunaanni folketingimut qinersisarneq pillugu inatsimmi ilanngunneqartoq pillugu nalunaarutip nr. 517, 23. maj 2018-imeersup atuutilersitsinissamut aalajangersagaq una imaraa:

§ 2

Nalunaarut atuutilersinneqarpoq ulloq 1. juni 2018.

Imm. 2. (Ilanngunneqanngilaq).

Økonomi- aamma Indenrigsministeriet, ulloq 28. juni 2018

NIKOLAJ STENFALK

/ Christine Boeskov

¹⁾ § 1-mi inatsimmut allannguut nr. 877, 24. november 1993-meersoq, § 70-imut attuumassuteqarpoq.

²⁾ § 1-mi inatsimmut allannguut nr. 822, 25. november 1998-meersoq, §§ 3, 8, 15, 18, 19, 27, 27 a, 31, 32, 34, 42, 43, 43 a, 44, 47, 49, 60, 62 a, 63, 65, 67, 68, 68 a, 74, 78, 79, 83 aamma 84-imut attuumassuteqarpoq.

Kommunenit tamani qinersivinnut nalunaarsuut

Kommuuni	Kommuunini tamani qinersiveqarfiit (Qinersiveqarfik)	Qinersivik imaluunniit taasisitsiveqarfik (Sumiif-fik taasisitsiviusoq)		Qinersiviup susassaqarfia (Inoqarfiit attuumassutilit)
Kom-mune Kujalleq	Nanortalik	1	Nanortalik	Nanortalik
		2	Aappilattoq (Kuj)	Aappilattoq (Kuj) Ikerasassuaq
		3	Narsaq Kujalleq	Narsaq Kujalleq
		4	Tasiusaq (Kuj)	Tasiusaq (Kuj) Nuugaarsuk Saputit Saputit Tasia
		5	Ammassivik	Ammassivik Qallimiut Qorlortorsuaq
		6	Alluitsup Paa	Alluitsup Paa Alluitsoq
	Qaqortoq	1	Qaqortoq	Qaqortoq Kingittoq Eqaluit Akia Kangerluarsorujuk Qanisartuut Tasiluk Tasilikuloq Saqqaa Upernaviarsuk Illorsuit Qaqortukuloq
		2	Eqalugaarsuit	Eqalugaarsuit
		3	Qassimiut	Qassimiut

				Isortoq
		4	Saarloq	Saarloq
	Narsaq	1	Narsaq	Narsaq Eqaluit Ilua Ipi- utaq Narsarsuaaraq
		2	Igaliku	Igaliku Atarnaatsoq Igaliku Kujalleq Qorlortukasik Timerliit Uummannartuuaraq
		3	Narsarsuaq	Narsarsuaq Kiattuut
		4	Qassiarsuk	Qassiarsuk Annanngivit Inneruulalik Issormiut Kangerlua Nunataaq Qinngua Qinngua Kangilleq Qor- lortoq Qorlortup Itinnera Sillisit Tasiusaq
Kommuneqarfik Sermersooq	Paamiut	1	Paamiut	Paamiut
		2	Arsuk	Arsuk Ivittuut
	Nuuk	1	Nuuk	Nuuk Pituffik
		2	Kapisillit	Kapisillit
		3	Qeqertarsuatsiaat	Qeqertarsuatsiaat
	Tasiilaq	1	Tasiilaq	Tasiilaq
		2	Isertoq	Isertoq
		3	Kulusuk	Kulusuk

		4	Kuummiit	Kuummiit	
		5	Tiilerilaaq	Tiilerilaaq	
		6	Sermiligaaq	Sermiligaaq	
	Ittoqqortoormiit	1	Ittoqqortoormiit	Ittoqqortoormiit Nerlerit Inaat	
Qeqqata Kommunia	Maniitsoq	1	Maniitsoq	Maniitsoq	
		2	Atammik	Atammik	
		3	Napasog	Napasog	
		4	Kangaamiut	Kangaamiut	
	Sisimiut	1	Sisimiut	Sisimiut	
		2	Itilleq	Itilleq	
		3	Kangerlussuaq	Kangerlussuaq	
		4	Sarfannugit	Sarfannugit	
Kommune Qeqertalik	Kangaatsiaq	1	Kangaatsiaq	Kangaatsiaq	
		2	Attu	Attu	
		3	Iginniarfik	Iginniarfik	
		4	Ikerasaarsuk (Qeqer)	Ikerasaarsuk (Qeqer)	
		5	Niaqornaarsuk	Niaqornaarsuk	
	Aasiaat	1	Aasiaat	Aasiaat	
		2	Akunnaaq	Akunnaaq	
		3	Kitsissuarsuit	Kitsissuarsuit	
		4	Ikamiut	Ikamiut	
	Qasigiannugit	1	Qasigiannugit	Qasigiannugit	
	Qeqertarsuaq	1	Qeqertarsuaq	Qeqertarsuaq	
		2	Kangerluk	Kangerluk	
	Avannaata Kommunia	Ilulissat	1	Ilulissat	Ilulissat

	2	Ilimanaq	Ilimanaq
	3	Oqaatsut	Oqaatsut
	4	Qeqertaq	Qeqertaq
	5	Saqqaq	Saqqaq
Uummannaq	1	Uummannaq	Uummannaq
	2	Ikerasak	Ikerasak
	3	Niaqornat	Niaqornat
	4	Qaarsut	Qaarsut
	5	Saattut	Saattut
	6	Ukkusissat	Ukkusissat
Upernavik	1	Upernavik	Upernavik
	2	Aappilattoq (Ava)	Aappilattoq (Ava)
	3	Kangersuatsiaq	Kangersuatsiaq
	4	Kullorsuaq	Kullorsuaq
	5	Innaarsuit	Innaarsuit
	6	Naajaat	Naajaat
	7	Nuussuaq	Nuussuaq
	8	Tasiusaq (Ava)	Tasiusaq (Ava)
	9	Nutaarmiut	Nutaarmiut Ikerasaarsuk (Ava)
	10	Upernavik Kujalleq	Upernavik Kujalleq
Qaanaaq	1	Qaanaaq	Qaanaaq
	2	Qeqertat	Qeqertat
	3	Savissivik	Savissivik
	4	Siorapaluk	Siorapaluk

